

ԾՆՈՂԱՅ ԵՒ ԱՇԱԿԵՐՏԱՅ ԵՒ ԱՄԵՆԱՅՆ ՄԻԱՐԱՆԻՑ ԱՇ-
ԽԱՏՈՂԱՅ . ԵՒ ՈՂՈՐՄՈՒԹԻՒՆ ՏՈՒՈՂԱՅ ԵՒ ԲՈՂՈՐ ԱՐԱ-
ՄԵԱՆՍ ՏՈՀՄԻ . ՁՏԷՐ ՅԻՍՈՒՍ ԵՒ ՁՏՈՒՆՍ ՍԻՐՈՂԱՅ .

ԸՆԹԵՐՑՈՂՔԴ ԱՍՏՈՒԱԾ ՈՂՈՐՄԻ ԱՍԱՅԷՔ ԱՄԷՆ :

Աստուածատուր Կաթուղիկոս Ս . Էջմիածնի իբրեւ
լուաւ թէ հասեալ է Գրիգոր Պատրիարք յերուսաղէմ
յԱթոռն իւր , և ձեռն արկեալ 'ի գործ շինութեան վա-
նաց Ս . Յակոբայ , գրեաց առ նա թուղթ սիրոյ և յարգա-
նաց , հարցանելով զողջունէ նորին եւ զթեթեւութենէ
պարտուց Ս . Աթուոյն . զի թէպէտեւ ուխտաւորք տար-
ւոյն այնորիկ 'ի դարձի իւրեանց 'ի հայրենիս , աւետա-
ւորեալ էին նմա զբարեկարգ անտեսութենէ Աթուոյն ,
և զայլ ազգաշէն բարեգործութենէ նորին . այլ Աստուա-
ծատուր 'ի դիւրութիւն սրտի իւրոյ , խնդրէր գիր 'ի նմա-
նէ , և ինքն յետ կարգաւորելոյ զգործս նուիրակացն Ե-
րուսաղէմի եւ անմիաւ հասուցանելոյ զարդիւնս նոցին
'ի ձեռս Գրիգորի . յարէ 'ի վերջոյ . « զնուիրակն Գողթան
գաւառի զՄխիթար վարդապետ՝ կարգեցաք նուիրակ Կար-
նոյ , զի մի՛ գործն խախտեսցի , եթէ հաճոյ է քեզ՝ բարի՝
իսկ եթէ ոչ , զո ոք կամիս , զայն առաքեալ , զի գործ
Ս . Տանգ յառաջեսցէ , և մերն յետոյ լիցի » . 1721 'ի 18
Հոկտեմբեր ամսոյ :

Ի սմին ամի ելեալ ուխտաւորաց 'ի Յոպպէ քաղաքէ
երթային յերուսաղէմ , և 'ի ճանապարհին յարձաիեալ 'ի
վերայ նոցա աւազակաց՝ կալան զնոսա եւ մերկացուցին ,
վիրաւորեցին զբազումս , և զոմանս սպանին իսկ . և այս
եղեւ յանհոգութենէ Իշխանին Յոպպէ քաղաքի , որ Ըզ-
Ղ-Ֆ-ի կոչեցեալ տուրս նոցին էաւ , և զպարտ ու պատ-
շաճ պաշտպանութիւնն զլացաւ 'ի նոցանէ . 'ի վերայ այսր
անակնկալ դիպումսն միաբանեցան երեք ազգք յերու-
սաղէմ , և ետուն փոխադարձ գիր դաշանց եւ երաշխա-
ւորութեան միմեանց , չքակտիլ 'ի միաբանութենէ իւր-
եանց . ապա առին Հեօճճէթ 'ի դատաւորէն և առաքեցին
զայն 'ի Կոստանդինուպօլիս , բերել ռատիկան հրովարտա-
կաւ . զի պաշտպանութեամբ նորին ուխտաւորք իւրա-
քանչիւր ազգաց՝ առանց վտանգի եւ վնասու եկեսցեն